

唐
音
統
籤

唐音癸籤卷十

海鹽胡震亨遜叟著

評彙六

自景龍始初七律諸學士所製大都鋪揚景物宣
詡謙遊以富麗競工亡論體變未極聲病亦多未
調開天以還詰匠迭興研揣備至於是後調彌純
前美益囁字虛實互用體正拘畢攝七言能事始
盡所以邇龍門之派者必求端沈宋窮滄海之觀
者還歸大杜陵

遜叟
下同

宮闕星河低拂樹殿庭燈燭上薰天必簡之宏槩

也然已有梅花落處疑殘雪柳葉開時任好風之
閒婉矣風射蛟冰千片斷氣衝魚鱗九關開雲卿
之穠采也然已有山出盡如鳴鳳嶺池成不讓飲
龍川之潏朗矣初年盡帖宜春勝長命先浮獻壽
杯廷碩之莊調也然已有雲山一一看皆美竹樹
蕭蕭畫不成之疎野矣至忽排花上遊天苑却坐
雲邊看帝京之寫景空活當軒半落天河水遶徑
全低月樹枝之用事渾融黃鶯未解林間轉紅藥
先從殿裏開之屬對圓貼雖椎輪初斲而仍凡已
雕鏤此先程允寶後躋已

盛唐名家稱王孟高岑獨七言律祧孟進李順應
稱王李岑高云

七言律獨取王李而絀老杜者李于鱗也夷王李
于岑高而大家老杜者高廷禪也尊老杜而謂王
不如李者胡元瑞也謂老杜卽不無利鈍終是上
國武庫又謂摩詰堪敵老杜他皆莫及者王弇州
也意見互殊幾成誣論雖然吾終以弇州公之言
爲衷

王以高華勝李以韶令勝李如瓊蕊浥露含質故
鮮王如翠嶺冠霞占地特貴王間有失嚴無心內

游衍自如李卽無落調有意中補湊可摘不獨勸

兩微題正復色香亦別

勸勉之偏枯寄盧司勳題篇之春事瑞公山池

之一起李母李回之二

結皆李之補湊處也

岑詞勝意句格壯麗而神韻未揚高意勝詞情致

纏綿而筋骨不逮岑之敗句猶不失盛唐高之合

調時隱逗中唐

王風調正似雲卿岑茂采堪追廷碩李存藻不多

既同考功高裁體欲變亦類左相以盛配初約畧

不遠惟杜子美無一家不備亦無一家可方爾

杜公七律正以其負力之大寄悰之深能直抒胸

臆廣酬事物之變而無礙爲不屑屑色聲香味聞
取媚人觀耳中間儘有涉於佞誕隣於憤懣入於
俚鄙者要皆偶趁機緒以此喻精神材料一無揀
擇義諦總歸情性令人乍讀覺面貌可疑久咀嚙
意味無盡其奪愛王李生異論以此雖有異論竟
不淆千古定論亦以此

或問杜公律句何者爲人所不能道余曰是詎易
悉數哉聊舉一聯二儀清濁還高下三伏炎蒸定
有無登樓者試擬來看

少陵七律與諸家異者有五篇製多一也一題數

首不盡二也好作對體三也詩料無所不入四也好自標榜卽以詩入詩五也此皆諸家所無其他作法之變更難盡數不善學者多岐爲惑每至失步善學者一體各占儘足成家

早朝四詩名手彙此一題覺右丞擅場嘉州稱亞獨老杜爲滯鈍無色富貴題出語自關福相於此

可占諸人終身窮達又不當以詩論者

胡元瑞云岑作精工

整密字字天成景聯絢爛鮮明蚤朝意宛然在且獨領聯雖絕壯麗而氣勢迫促遂致全篇音韻微乖王起語意偏不若岑之大體結語思窮不若岑之自然景聯甚活終未若岑之聯切獨領聯高華博大而冠冕和平前後映帶寬舒遂令全首收色稱最當時但服色太多爲病不小而岑之重兩春

字及曙光曉鍾之再見不
無微賴信七律全璧之難

開天七律自前數公外其可舉數者亦無多如賈
會之春苑矚目崔顥之行經華陰祖詠之望荊門
崔曙之九日望仙臺張謂之別韋郎中其最著也
餘如太白孟浩然並非其長太白僅得鸚鵡洲及
送賀監二結孟僅得春晴除夜登安陽城樓三結
耳李鸚鵡洲結實效顰黃鶴樓王敬美以爲崔下
使字穩李下使字似添入較勘最爲入細吾更愛
萬楚五日一結情語不妨險譚似從沈佺期獨不
見結意得來弇州公怪手鱗嚴刻不應收此詩此

非詩家外道實六朝正法眼藏也于鱗安得不收

王敬美云日暮鄉關煙波江上本無指著登臨者
自生愁耳故曰使人愁煙波使之愁也浮雲蔽日
長安不見逐客自應愁望縈使之手

七言律歷卷迄無定論宋嚴滄浪推崔顥黃鶴樓
近代何仲默薛君采推沈佺期盧家少婦王弇州
則謂當從老杜風急天高老去悲秋玉露凋傷昆
明池水四章中求之今觀崔詩自是歌行短章律
體之未成者安得以太白嘗倣之遂取歷卷沈詩
篇題原名獨不見一結翻題取巧六朝樂府變聲
非律詩正格也不應借材取冠茲體若杜四律更

尤可議風急天高篇無論結語腿重卽起處鳥飛
迴三字亦勉強屬對無意味老去悲秋篇本一落
帽事又生冠字爲對無此用事法藍水一聯尤乏
生韻類許用晦塞白語僅一結思深耳可因之便
浪推耶玉露凋傷篇較前二作似勻稱然勛兩自
薄况一繫對兩開一字甚無着落爲瑕不小昆明
池水前四語故自絕奈頸聯肥重墜粉紅尤俗况
律詩凡一題數篇者前後皆有微度脉絡此秋興
八首首咏夔府二三從夔府漸入京華四方樂言
長安五六七八又各言長安一景八首只作一首

若相次相引者通讀之始知其命篇之意與一切
貫穿曠帶之法未有千中獨摘其第一首及第六
首能悉其妙可詫爲壓卷者取及此尤無謂也吾
謂好詩自多要在明眼畧定等差不誤所趨足耳
轉益多師是汝師何必取宗一篇效痴人作此生
活

七言律以才藻論則初唐必首雲卿盛唐當推摩
詰中唐莫過文房晚唐無出中山不但七言律也
諸體皆然繇其才特高耳

詩數
下同

劉長卿獻淮寧節度一篇如家散萬金酬士死身

留一劍簪君恩李端韓翃之先鞭也漁陽老將多
迴席魯國諸生半在門王建張籍之鼻祖也結語
更得王維李頎風調起語亦自大體幾欲上薄盛
唐然細按之自是中唐詩

錢員外輕寒不入宮中樹佳氣常浮仗外峯當是
其最得意句然上句秀而過巧下句寬而不稱

州

錢長信宜春句於晴雪妙極形容膾炙人口其源
得之初唐然從初竟落中唐了不與盛唐相關何

者愈巧則愈遠

枕圓
撫餘

七言難於氣象雄渾句中有力量而紆徐不失言外

之意自老杜後韓退之筆力最爲傑出然每苦意
與語俱盡賀裴晉公破蔡州回所謂將軍舊壓三
司賈相國新兼五等崇非不壯也然意亦盡於此
矣不若劉禹錫賀裴晉公留守東都云天子旌旗
分一半八方風雨會中州遠而得大體也

葉石林

初唐體質濃厚格調整齊時有近拙近板處盛唐
氣象渾成神韻軒舉時有太實太繁處中唐淘洗
清空寫逸流亮七言律至是殆於無指摘而體格
漸卑氣韻日薄衰態未免畢露

詩藪

唐七言律自杜審言沈佺期首創工密至崔顥李

白時出古意一變也高岑王李風格大備又一變也杜陵雄深浩蕩超忽縱橫又一變也錢劉稍加流暢降爲中唐又一變也大曆十才子中唐體備又一變也樂天才具泛濫夢得骨力豪勁在中晚間自爲一格又一變也張籍王建畧去葩藻求取情實漸入晚唐又一變也嗣後溫李之競事組織薛能之過爲芟刊杜牧劉滄之時作拘峭韋莊羅隱之務趨條暢皮日休陸龜蒙之填塞古事鄭都官杜荀鶴之不避俚俗變又難可悉紀律體愈趨愈下而唐祚亦告訖矣

參

沈宋翬排律殊寡惟駱賓王篇什獨盛流麗雄渾
獨步一時

初唐四十韻惟杜審言達李

作實自少陵家

法杜八哀李北海云次及吾

慷慨嗣真作是

也

沈宋雖並稱沈排律工者不三數篇宋集中篇
篇平正典重瞻麗精嚴不獨昆弟一什勝沈也初
學入門所當熟習右丞韻度過之而典重不如少
陵閱大有加而精嚴畧遜

初唐沈宋外蘇李諸子未見大篇獨曲江諸作含

清拔於綺繪之中寓神俊於莊嚴之內如度蒲關
登太行和許給事酬趙侍御等作同時燕許皆莫
及

排律沈宋二氏藻曠精工太白右丞明秀高爽然
皆不過十韻且體在繩墨之中調非畦迤之外惟
杜陵大篇鉅什雄偉神奇闐闐馳驟如飛龍行雲
鱗鱗爪甲自中矩度又如淮陰用兵百萬掌握變
化無方雖時有險朴無害大家

讀盛唐時排律延清摩詰等作真如入萬花春谷
光景爛熳令人應接不暇賞玩忘歸太白軒輿雄

體如明堂黼黻冠蓋輝煌武庫甲兵旌旗飛動少
陵變幻閼深如陟崑崙泛溟渤千峯羅列萬彙汪
洋

常侍補侍生猶不及王李之秀麗豪爽而信安王
幕府三十韻典麗整齊精工瞻逸特爲高作嘉州
格調整嚴音節宏亮而集中排律甚稀襄陽時得
大篇清空雅淡逸趣翩翩然自是孟一家學之必
無精采

凡排律起句極宜冠裳雄渾不得作小家語唐人
可法者盧照隣地道巴陵北天山弱水東駱賓王

二庭歸望斷萬里客心愁杜審言六位乾坤動三
微曆數遷沈佺期閭闔連雲起岩廊拂霧開玄宗
鍾鼓嚴更曙山河野望通張說禮樂逢明主韜鈴
用老臣李白獨坐清天下專征出海隅高適雲紀
軒皇代星高太白年此類最爲得體

次則過接爲難駱賓王邊城懷京邑篇季月炎初
盡邊庭草早枯沈佺期扈從出長安篇是節嚴陰
始寒郊散野蓬初唐轉接法不過如是逮老杜法
乃益精如述懷入往事云得喪初難識榮枯劃易
該贈人入自敘云勛業青冥上交親氣槩中融洽

中兼之頓挫又不知費幾許鑪錘矣至結語關鎖
全篇尤爲喫緊亦惟杜盡善諸篇不作鄭重語收
煞卽作灑逸語送之似先揀下好韻留爲押尾者
細參自見 遊叟

大槩中唐以後稍厭精華漸趨澹靜故五七言律
清空流暢時有可觀至排律亦倣此則蹟矣排律
自楊盧以至王李靡不豐碩渾雄蓋其體製應爾
惟老杜大篇時作蒼古然其才力異常學問淵博
述情陳事錯綜變化轉自不窮中唐無杜材力學
問欲以一二致語撐拄其間庸詎可乎 元端

唐大曆後五七言律尚可接翅開元惟排律大不
競錢劉以降氣味總薄元白中興鋪敘轉凡所見
中唐楊巨源晚唐李商隱李洞陸龜蒙三家楊則
短韻不失前獲三家則長什尤饒新藻將無此體
限於材卽難曙於法亦自易乎惟深於詩者知之
遷

叟

七言排律唐人不多見如太白別山僧高適宿田
家等作雖聯對精密而律調未純終是古詩體段
惟崔融從軍行言從字順音響冲和堪備一體高標
唐人之詩樂府本效古體而意反近絕句本自近

體而意實遠故求風雅之侖佛者莫如絕句唐人
之所偏長獨至而後人力追莫嗣者也擅場則王
江寧驂乘則李彰明偏美則劉中山遺響則杜樊
川少陵雖號大家不能兼善以拘於對偶且汨於

典故乏性情爾

楊升菴

按唐樂府五言絕句法

府體者然如宮詞從軍出塞等雖用
樂府體自是唐人絕句與六朝不同

唐初五言絕予安諸作已入妙境七言初變梁陳

音律未諧韻度尚乏惟杜審言渡湘江贈蘇綰二

首結皆作對而工緻天然風味可掬至張說巴陵

之什王翰出塞之吟句格成就漸入盛唐矣

元瑞

太白五七言絕句實唐三百年一人盡以不用意得之卽太白不自知其所至而工者顧失焉李于七言絕句王江寧與太白爭勝毫釐俱是神品王州弁

太白諸絕句信口而成所謂無意於工而無不工者少伯深厚有餘優柔不迫怨而不怒麗而不淫余嘗謂古詩樂府後惟太白諸絕近之國風離騷後惟少伯諸絕近之體若相懸調可默會元瑞

五言無名氏打起黃鸝兒不惟語意高妙其篇法圓緊中間增一字不得着一意不得起結極斬絕

而中自紆緩無餘法而有餘味

弇州

太白五言如靜夜思玉階怨等妙絕古今然齊梁體格他作視七言絕句覺神韻小藏緣句短逸氣未舒耳右丞輞川諸作却是自出機軸名言兩忘色相俱泯另是一家體裁

元瑞

王少伯七絕官詞閨怨儘多詣極之作若邊詞秦時明月一絕發端句雖奇而後勁尚屬中駟于鱗遽取壓卷尚須商榷

遜叟

峩睂山月半輪秋影入平羌江水流夜發清溪向三峽思君不見下渝州二十八字中有峩睂山平

羌江清溪三峽渝州使後人爲之不勝痕跡矣益
見此老鑪錘之妙

兼州

自少陵絕句對結詩家率以半律譏之然絕句自
有此體特杜非常行耳如岑參凱歌丈夫鵲印搖
邊月大將龍旗掣海雲排兵魚海雲迎陣秣馬龍
堆月照營等句皆雄渾高華後世咸所取法卽半
律何傷若杜審言紅粉樓中應計日燕支山下莫
經年獨憐京國人南窺不似湘江水北流則詞竭
意盡雖對猶不對也

元瑞下同

七言絕開元之下便當以李益爲第一如從軍諸

篇皆可與太白龍標競爽非中唐所得有也又張
仲素秋閨曲夢裏分明見關塞不知何處向金微
欲寄征人問消息居延城外又移軍皆去龍標不
甚遠

中唐絕句劉長卿韓翃李益劉禹錫尚多可諷詠
晚唐則李義山溫庭筠杜牧許渾鄭谷然途軌紛
出漸入宋元多岐以羊信哉

盛唐絕句與象玲瓏句意深婉無工可見無跡可
尋中唐遽減風神晚唐大露筋骨

晚唐詩萎蘼無足言獨七言絕句膾炙人口其妙

至欲勝盛唐愚謂絕句覺妙正是晚唐未妙處其
勝盛唐乃其所以不及盛唐也絕句之源出於樂
府貴有風人之致其聲可歌其趣在有意無意之
間使人莫可捉著盛唐惟青蓮龍標二家詣極李
更自然故居王上晚唐快心露骨便非本色議論
高處逗宋詩之徑聲調卑處開大石之門統圖
擬餘
一將功成萬骨枯是疏語可憐無定河邊骨是詞
語又如公道世間惟白髮只有春風不世情爭似
堯階三尺高劉項原來不讀書等句攪入議論皆
僅去張打油一間人皆盛稱爲工受誤不淺

元瑞

唐詩月譜
七言絕句盛唐主氣氣完而意不盡工中晚唐主
意意主而氣不甚完然各有至者未可以時代繫
訾之 并州

聯句詩唐惟顏真卿韓退之爲多顏雜恢諧韓與
孟郊爲敵手各極才思語多奇崛尤可喜 遯叟

唐音癸籤卷十

終

唐音癸籤卷十一

海鹽胡震亨編更著

評彙七

老杜詩好用自字

如銀蟾自夜放圓花自發風月自有清涼之趣不一而足受

字

修竹不覺暑吹面爽和風解

山各雄風涼

思字

如詩有行舟遲遲其本也

俯字

俯長流杜集俯沙清此邦俯要衝四俯俯所屬

如江十數處坐字

如江坐像深又黃鶴樓多安

以坐字體物頗奇然此齊劉湛詩無由效玄豹

重坐山中張說詩樹出參振騰沙行入驚草皆本

經樹間非始杜也

逝更下同

杜東用俗字

葛常明云數物一物而名之為笑甚近

不勝其多矣

用俗字更可笑

美善以方百里諺點化入詩句中如云吾家老孫

人打蕪荒歌白動一夜水高只強數日不可更

并此漢女打鼓發聲如雷

太白詩押宜字韻者凡五見而韻致俱勝

水與晴空宜月色望不盡空天夜相宜詩浪偏

相宜酒正相宜春風與醉客今日乃相宜

劉夢得云為詩用押字須有來處宋考功云馬上

逢寒食春來不見陽常來之因讀毛詩鄭箋說吹

處注云卽今賣餠者所吹六經惟此中有餠字
緣明日重陽欲押一餠字詩尋思六經竟未有
餠字不敢爲之按夢得亦有餠字詩歷陽書事湖
較宋押得更穩又按隋書五行志載謠語有八月
刈禾傷早九月食餠正好餠字入詩始見此詩有
出自可用何必益本之六經耶王弼用云劉用
字謹嚴如此然其答樂天有筆底心猶毒杯前膽
不豚豚呼關切此何謂也

元微之贈周先生詩云寥寥空山岑冷冷風松林
流月垂鱗光懸泉揚高音希夷周先生燒香調琴
心神功盈三千誰能還黃金四十字用平聲字至
三十九古有四聲詩純用平聲者此則偶然犯之

而調叶步虛殊鏘然可誦

韓愈最重字學詩多用古韻如元和聖德及此日
足可惜詩全篇一韻皆古叶兼用其贈張籍詩云
時來問形聲知籍亦留心韻學者乃籍詩獨不甚
用古韻惟祭愈詩七陽用至八十三韻古韻幾於
用盡却無一韻不押得穩帖視愈之每每強押者
過之宋吳才老推韓愈爲唐一代字學冠下及白
傅柳州而未滿於籍夫識字貴善用耳籍用古韻
卽僅此一篇韻學之深可知矣才老或未足語此
也

九日用茱萸杜子美云醉把茱萸仔細看王右丞
云遍插茱萸少一人朱倣云學他年少插茱萸劉
夢得以爲更三詩人道之子美爲優

一菊詩也陳叔達云但令逢採摘寧辭獨晚榮婉
厚乃爾朱灣云受氣何曾異開花獨自遲費較量
矣李山甫云栽處不容依玉砌要時還許上金罇
更似毒口罵將來豈非時代爲之

僧與鳥自浪仙後幾成一副應急對子諸家槩有
惟嫌今夜鐘催鳥絕積雪阻僧期差不落爽
前逢錦車使都護在樓蘭虞世南用爲起句殊未

安不若王摩詰蕭關逢候吏都護在燕然改作結句較妥也

上官儀詩飛山月曉蟬噪野風秋率爾出風致語佳耳張說鴈飛江月冷猿嘯野風秋似有意學之那得佳歐公力擬溫飛卿警聯不及亦同此

主維積水不可極安知滄海東亦可謂工於發端矣謝靈運登海口盤嶼山詩莫辨洪波極誰知大壑東良自有本

皇甫
子循

太白人分千里外興在一杯中達夫功名萬里外心事一杯中似皆從庾抱之悲生萬里外恨起一

杯中來而達夫較厚太白較逸並未易軒輊

遜叟下同

孟浩然萬壑歸於漢千峯劃彼蒼杜子美餘力浮於海端憂問彼蒼對法正同

王昌齡龍潭詩百泉勢相蕩巨石皆却立昏爲蛟龍怒清見雲雨入杜甫萬丈潭詩前臨洪濤寬却立蒼石大黑知灣濶底清見光炯碎語不襲而肖而通篇杜尤雄拔盡善名大家之分也

子昂古木生雲際歸帆出霧中卽玄暉天際識歸舟雲中辨江樹也子美薄雲岩際宿孤月浪中翻卽仲言白雲岩際出清月波中上也四語並極精

工奇難優劣然何謝古體入此漸啓唐風陳杜近
體出此乃更古意不可不知

元瑞下同

又杜山青花欲燃出沈約山櫻花欲燃江流靜猶
湧出陰鏗大江靜猶浪繡段裝簷額金花帖鼓腰
出庾信細縷纏鍾格圓花釘鼓牀春水船如天上
坐老年花似霧中看出沈佺期人如天上坐魚似
鏡中懸沈復出陳釋慧標舟如空裏泛人似鏡中
行冰藍邇有從來

韋蘇州對殘燈詩云獨照碧牕久欲隨寒燼滅幽
人將遽眠解帶翻成結梁沈氏滿願殘燈詩云殘

燈猶未滅將盡更揚輝惟餘一兩燄猶得解羅衣

韋詩實出於沈然韋有幽意而沈浮矣

升菴外集

司空曙乍見翻疑夢相悲各問年戴叔倫一年將盡夜萬里未歸人一則久別乍逢一則客中改歲

之絕唱也李益問姓驚初見稱名憶舊容絕類司

空崔塗亂山殘雪夜孤燭異鄉人絕類戴作皆可

亞之

元瑞按戴句元出梁簡文一年夜將盡萬里人未歸但顛倒用之而字無一易

劉文房已是洞庭人猶看瀟陵月孟東野長安日

下影又落江湖中語意相似皆寓戀闕之意而劉

為蘊藉

楊升菴

白香山醉貌如霜葉雖紅不是春山尹式衰顏倚
酒紅尹悲歎有含蓄白故是翻案佳語氣則索然
矣

閑辨
餘錄

讀姚少監侯門月色少於燈句每嘆富貴家光景
真復如此俗耶然王摩詰山池夜讌詩山月少燈
光先已道過矣

遇叟
下同

盧仝月蝕詩生於李白之古朗月行李白古朗月
行生於天問夜光何德死則又育厥利維何顧菟
在腹數語始則微辭含寄終至破口發村靈均氏
亦何料到此

杜甫有句云詩盡人間興兼須入海求非深於搜
索者無此想頭李克恭吊孟郊詩海底也應搜得
盡正祖此意

韋莊詩靜極却嫌流水鬧閑多翻笑野雲忙本於
老杜之水流心不競雲在意俱遲但多着一嫌字
笑字覺非真閑真靜耳

白居易咏老柳樹但見半衰臨此路不知初種是
何人羅隱咏長明燈不知初點人何在祇見當年
火至今語似祖述而用法一順一倒不同

劉長卿餘干旅舍云搖落暮天迴丹楓霜葉稀孤

城向水閉獨鳥背人飛渡口月初上鄰家漁未歸
鄉心正欲絕何處搗征衣張籍宿江上館云楚驛
南渡口夜深來客稀月明見潮上江靜覺鷗飛旅
宿今已遠此行殊未歸離家久無信又聽搗寒衣

兩詩韻同而意調亦同

詩話
總龜

韓退之贈張道士詩臣有平賊策狂童不難治恨
無一尺箠爲國咎羗夷臣有膽與氣不忍死茆茨
天空日月高下照理不遺寧當不俟報歸袖風披
披霜天熟柿栗收拾不可遲杜牧亦有書懷詩云
北虜環亭障間屯千里師牽連久不解他盜恐旁

窺臣實有長策彼可徐鞭笞如蒙一召議食肉寢
其皮斯乃廟堂事爾微非爾知向來躡等語長作
陷身機行當臘欲破酒齊不可遲且想春候暖甕
間傾一卮並以排調語抒孤憤意象如一未知紫
微有意相祖述抑或偶爾暗合也紫微弔趙將軍
落句誰知我亦輕生者不得君王丈二戈與前恨
無一尺筆意亦正同

遊叟
下同

信惟餓隸布實黥徒班固史贊語也王維詩有亥
爲磨肆鼓乃人羸乃夷門抱關者慨然嘆曰道固
不同潘岳誄辭也李白詩有秦人相謂曰我屬可

去矣雖未必相模倣而語格恰同詩卽有韻之文
在所善用耳

諸家懷古感舊之作如年年春色爲誰來惟見江
流去不回惟有年年秋雁飛祇今惟有西江月曾
照吳王宮裏人等句非不膾炙人口奈詞意易爲
倣倣竟成悲弔海語不足貴矣諸賢生今不知又
作如何洗刷

余友姚叔祥嘗語余云余行黃河始知孤村幾歲
臨伊岸一鴈初晴下朔風之爲真景也余家海上
每客過聞海墜聲必怪問進海味有疑而不下箸

者益知潮聲偏懼初來客海味惟甘久住人二語之確切人足跡不出門能悉門外許許盡拈爲錦囊用乎

咄方言比海聲如人囁聲也

長孫正隱高氏林亭細雨猶開日深池不漲沙上句人皆能領其景下句則非北人習風土者不能知其妙也薛能詩有池中水是前秋雨陌上風驚自古塵二句之妙亦非北人不能知

盛唐詩以文常會友惟德自爲隣今以爲頭巾語非知者也而學此等句未有不頭巾者也其得失

乃在作者寸心知耳

方采山

遊魚迎水上宿鳥向風栖最詩之識物理者

魚逆水鱗

順鳥向風羽類也

然一說破則似爾雅詰不復似詩

遞更下同

詩亦要占些地步退之贈李愿云往取將相酬恩
讐達夫贈王微云吾知十年後季子多黃金豈理
耶惟杜老有斟酌此等語不肯輕下然如何月霜
微祿歸山買薄田等亦未能陶洗淨盡爲有識者
所微窺云

扈從應制詩自有體王維早朝詩仍聞遣方士東
海訪蓬瀛明以秦皇漢武譏其君矣不若宗楚客
幸觀八龍遊閭苑無勞萬里訪蓬瀛爲有含蓄

杜長安城頭頭白烏云云乘輿西出不堪紀此最
得體又霓衣問行在亦自好煙塵昏御道蒼黃把
天衣雖略做不妨遙聞出巡狩早晚徧遐荒過矣
下殿走尤不可奪馬悲公主登車泣貴嬪不堪敘
嵇紹血太甚

方來

老杜北征咏馬嵬事云憶昔狼狽初事與古先別
羣臣竟蘊醢同惡隨蕩折不聞夏商衰中自誅褒
姒若明皇鑒夏殷事畏天悔禍自賜楊妃死官軍
無賴者可謂深識君臣大體劉禹錫乃云官軍誅
伐幸天子捨妖姬白樂天云六軍不發無奈何展

轉蛾眉馬前死此則爲明皇不得已誅貴妃雖曰

紀其實豈臣子所忍言所宜言之

魏絳

聖德初岑參與子美同爲諫職子美詩避人焚諫
草騎馬欲難栖又明朝有封事數間夜如何參詩
則云聖朝無閒事白覺諫書稀時安史之亂未夷
上皇在蜀朝野騷然可云無閒事耶亦語病也

杜老

補遺

或問長恨歌與連昌宮詞孰勝余曰元之詞微著
其荒縱之跡而卒章乃不忘箴諷若白作正敘情
語顛末誦之雖柔情欲斷何益勸戒乎

聖莊漫錄
宋王楙

又云歌中有夕艤聲飛思悄然孤吟挑盡未成眠
可與慶官中意不勝情明皇自挑燈即觀此更可
發一笑

今世所遺俗語多唐以來人講當時原說得太俚

後來僂作俗語相舉

如公道世間惟白髮不知辛
苦為誰甜之類難悉舉陸游

宋人以王季友觀鱗畫山水詩于公大笑向予說

小弟丹青能爾為等語為淺陋類兒童幼學者一

括出僂欲嘲飯唐初題畫詩未鑿窟故以此等語

為工今則老杜語亦稍稍退位矣下筆正難

遇叟

趙殿一千里色中秋月十萬軍聲半夜潮唐人稱

壯而蘇公以為寒儉楊蟠八丈虹晴卧影一千

頃玉碧無瑕宋人推杜而歐公以爲粗豪二公雖
此道來微此等議論自具眼然粗豪易見寒儉難
知學者細思之

杜甫武侯廟柏詩云霜皮溜雨四十圍黛色參天
二千尺沈荇中以四十圍乃是徑七八譏此柏無
乃太細長此猶鄭康成注毛詩一一要合周禮也
昔文與可爲東坡畫竹有掃取寒梢萬丈長之句
坡戲謂與可竹長萬丈當用絹二百五十疋已復
從而實之曰世間亦有千尋竹月落空庭影許長
與可會坡意卽寫修竹數竿遺坡曰此竹數尺耳

而有萬丈之勢觀二公談笑之語如此可默會詩

人之意矣存中惡足知之耶

陳善新語

自宋有田莊牙人之說詩流往往惑之此大不解事者盛唐牕中三楚盡林外九江平中唐東屯滄海澗南瀼洞庭寬晚唐到江吳地盡隔岸越山多皆一時警句杜如地利西通蜀天文北照秦尤不勝數何用爲嫌惟近時作者粘帶皮骨太甚乃反覺有味斯言耳

元瑞下同

唐輕薄子彈摘人詩句若衛子鴈鵠失猶尋母之類至今集端余謂此不必泥顧其句何如耳數詩

淺俗鄙夷即與所譏不類寧免大雅盧胡如孟浩

然春眠不覺曉二十字清新婉約縱輕薄嫵侮萬

端亦何害其美耶

無名子以浩然春眠一絕為首子詩

唐詩須分三節看盛唐主辭情中唐主辭意晚唐

主辭律

詩譜

盛唐詩格極高調極美但不能多不足以馴物而

盡變所以又有中晚詩

俞州

大曆以前分明別是一副言語晚唐分明別是一

副言語盛唐人詩亦有一二濫觴晚唐者晚唐人

詩亦有一二可入盛唐者要當論其大槩耳大曆

詩高者尚未失盛唐下者漸入晚唐矣晚唐之下
者間亦墮野狐外道鬼窟中

嚴滄浪

唐律初盛中晚時代聲調故自必不可同然亦有
初而逗盛盛而逗中中而逗晚者何也逗者變之
漸非逗故無絲變也如四詩之有變風變雅便是
離騷遠祖子美七言律之有拗體非卽猶四詩之
有變風變雅乎

唐律之辭盛而中極是盛衰之介然王維錢起實
相倡酬子美全集半是大厯以後所作逗漏實有
可言今觀諸家如右丞明到衡山篇嘉州函谷關

溪句隱隱錢劉盧李間矣至於大曆十才子其間
豈無盛唐之句蓋聲氣猶未相隔也學者固當嚴
於格調然必謂盛唐人無一語落中中唐人無一
語入盛則亦固哉其言詩矣

在敬美

兩漢以質勝六朝以文勝魏稍文所以歸兩漢唐
稍質所以過六朝

胡元瑞下同

古體至陳本質已矣隋之才不若陳之麗而稍知
尚質故隋末諸臣卽爲唐風正始近體至宋性情
泯矣元之才不若宋之高而稍復緣情故元季諸
子卽爲昭代先鞭

漢魏六朝遞變其體爲唐而唐體迄于今自如譬
之水三百篇崑崙也漢魏六朝龍門積石也唐則
溟渤尾閭矣安所取益故後唐而詩衰莫如宋有
出於中晚之下後唐而詩盛莫如明亦無加於初

盛之上

李本
聲

唐音癸籤卷十一

終

唐音癸籤卷十二

海鹽胡震亨遜叟著

樂通一

雅樂調

唐樂律呂主旋宮之法以五音加二變一宮二商

三角四變徵五徵六羽七變宮各十二調爲雅樂

八十四調

唐書樂志云旋宮之法因五音生二變因變徵爲正徵四變宮爲清宮七音起

黃鍾終南呂迭爲綱紀黃鍾之律管長九寸王於中宮土半之四寸五分與清宮合五音之首也加

以二變循環無間其聲絳濁至清爲一均凡十二宮調皆正宮也正宮聲之下無復濁音故五音以

宮爲尊十二商調調有下聲一爲宮也十二角調調有下聲二宮商也十二徵調調有下聲三宮商

角也十二羽調調下有聲四宮商角徵也十二變徵調居角音之後正徵之前十二變宮調在羽音之後清宮之前雅樂成調無出七聲本宮逆相用樂章則隨律定均合以笙磬節以鍾鼓云

俗樂調

唐俗樂其源亦本於雅樂宮調七曰正宮高宮中呂宮道調宮南呂宮仙呂宮黃鍾宮商調七曰越角調七曰大食角高大食角雙角小食角歇指角調大食調高大食調雙調小食調歇指調林鍾商林鍾角越角羽調七曰中呂調正平調高平調仙呂調黃鍾羽般涉調是爲俗樂二十八調

樂志云俗樂調

皆從濁至清迭更其聲下則益濁上則益清

變者過節急者流蕩其宮調應夾鍾之律

十二和

雅樂之曲曰十二和和云者取大樂與天地同和

也十二法天成數也一曰豫和以降天神冬至祀

辛祈穀孟夏雩季秋享明堂朝日夕月巡狩告於

闕丘燔柴告至封祀泰山類於上帝皆以圜鍾為

宮二奏黃鍾為角太簇為徵姑洗為羽各一奏五

郊迎氣黃帝以黃鍾為宮赤帝以南鍾為徵白帝

以太簇為商黑帝以商呂二曰順和以降地祇夏

為羽青帝以姑洗為角三曰永和以降人鬼時享禘

祭方丘孟冬祭神州地祇春秋巡狩告社宜於社

禪社首皆以南鍾為宮太簇為商姑洗為徵南呂

為羽各三奏望於山三曰永和以降人鬼時享禘

川以蕤賓為宮三奏三曰永和以降人鬼時享禘

而告謂於廟皆以黃鍾為宮三奏太呂為角太簇

為徵應鍾為羽各二奏祀先農皇太子釋奠皆以

姑洗為宮送神各以其曲蜡兼天地人以黃鍾奏

豫和蕤賓姑洗太簇奏順和無射夷則奏永和以

唐書樂志卷十二

降神以豫和四曰肅和登歌以奠玉帛
天神以地祇以

應鍾為宮宗廟以圖鍾為宮祀先農釋五曰雍和
真以南昌為官望於山川以函鍾為官地祇以

凡祭祀以入俎天神之俎以太族為官人鬼之俎以無射為

官又以微俎凡祭祀俎入六曰壽和以酌獻飲福
之後接神之曲亦如之

以黃鍾七曰太和以為行節
凡祭祀天子人門而

還次行刺作止則止其在朝廷天子將自內出鐘八曰
黃鍾之鍾右五鍾應乃奏之禮畢興而入撞蕤賓

之鍾左五鍾應乃奏之皆以黃鍾為官又皇八曰
帝駕出太極門奏永茨至嘉德門止還亦然

舒和以出入二舞及朝賀皇太子王公之出入太
以

九曰昭和皇帝皇太子以舉酒十曰休和皇十
皆以其月

帝以飯以肅拜三老皇太子亦以飯皆以其月
之律為常

一曰正和皇后以受冊受朝十二曰承和皇太子

在其宮有會則奏之凡四十八曲

開元中又造祗和三公升殿會

訖下階履行奏豐和享先農宣和祀孔宣父齊太公廟奏煌煌冲和玄元太清宮奏大曆中以豫和

詞國諱改曰元和

二舞

二舞一曰治康文舞也一曰凱安武舞也

舞八佾六十

人凱安六變一變象龍與參蟻二變象克定關中

三變象東夏賓服四變象江淮平五變象殄擒伏

六變復位以崇象兵還振旅以用之郊廟饗饗各

後以治康犯高宗諱改化康

有曲

郊廟初獻作文舞亞獻終獻作武舞太廟降神以文舞每室酌獻各用其廟之舞詳後凡

元正冬至大朝會設饗

二舞並陳於庭以次作

廟舞

獻祖廟舞曰光大懿祖曰長發太祖曰大基

後改大政

世祖曰大成高祖曰大明太宗曰崇德高宗曰鈞

天中宗曰太和睿宗曰景雲玄宗曰廣運肅宗曰

惟新代宗曰保大德宗曰文明順宗曰大順憲宗

曰象德穆宗曰和寧敬宗曰大鈞文宗曰文成武

宗曰大定昭宗曰咸寧各有曲懿僖二廟闕不著

玄元太清宮舞
混成紫極曲

十部伎

十部伎燕饗設之所以備華夷也一曰燕樂伎二

曰清樂伎三曰西凉伎四曰天竺伎五曰高麗伎

六曰龜茲伎七曰安國伎八曰疎勒伎九曰高昌

伎十曰康國伎各有曲初唐仍隋舊燕饗設九部伎貞觀中伐高昌得其樂

增為十部舊樂也樂志云清商曲武后時猶存六十三曲後

存有辭者三十七曲明之君白雲公莫巴渝明

君風將維明之君白雲公莫巴渝明

子夜吳聲四時歌前漢讀曲阿子及歡聞石城

莫愁襄陽樓烏夜飛估客春江花月夜

歌曉壺常林歡三州采桑楊伴雅

玉樹後庭花堂堂泛龍舟明之君雅歌

四時歌有聲無辭七曲上林鳳雛

平調清調瑟調平折命嘯共四十四

曲西凉伎以下詳夷樂內郭茂倩云天寶已

後譙樂西凉龜茲部著錄者二百

餘曲而清樂天竺諸部不在焉

鼓吹曲

鼓吹軍樂也唐用以備鹵簿之儀一鼓吹部二羽

葆部三饒吹部四大橫吹部五小橫吹部凡八十

五曲

今書云七十五曲或字之誤

鼓吹部三十六曲

擗鼓十曲

一驚雷震

二

猛獸駭

三驚鳥擊

四龍媒蹀

五靈夔吼

六鵬鶚爭

七壯士奮怒

八熊羆哮吼

九石

墜崖

十波盪壑

開元禮義羅曰擗鼓小鼓也先作之以引大鼓猶雅樂之有柷

六典擗鼓夾金鉦

律書樂圖云曲辭今無傳

大鼓十五曲

一元驕

合邏

二元驕他固夜

三元驕跋至慮

三曲嚴用晨曰

嚴

一元咳大至遊 二阿列乾 三破達析利

紇 四賀羽真 五鳴都路跋 六他勃鳴路跋

七相雷析追 八元咳赤賴 九赤咳赤賴

十吐咳乞物真 十一貪大許 十二賀粟胡真

廿二曲警用夜曰警 通考曰大鼓即古鼗鼓六

典曰晨嚴三通夜警衆一曲轉次而振晨嚴之曲

按諸曲名似奚契語考隋志大鼓亦 曲 一漁陽 二雞子 三警鼓 四三鳴 五

合節 六覆參 七步鼓 八南陽會星 九單

搖 陳氏樂書唐樂圖小鼓一大鼓上負一小鼓

周之律書小鼓九曲一曲馬上引八曲嚴用 長鳴一曲 中鳴一曲 長鳴中鳴角也樂書唐鹵

簿角或以竹木或以皮非

有定制 長鳴一曲三聲 一龍吟聲 二彪吼

聲 三阿聲 中鳴一曲三聲 一盪聲 二牙

聲 三送聲 郭茂倩云 梧大角曲有大單

干小單干大梅花小梅花其聲猶有存者

羽葆部十八曲 一太和 二休和 三七德

四騶虞 五基王化 六纂唐風 七厭炎精

八肇皇運 九躍龍飛 十殄馬邑 十一興晉

陽 十二濟渭險 十三應聖期 十四御宸極

十五寧兆庶 十六服遐荒 十七龍池 十八

破陣樂 樂書羽葆鼓五綵重蓋架垂流蘇植羽六

晉後代有饒歌鼓吹曲紀受命功德唐獨無有補

撰曲十二表上之今諸曲自基王業至服遐荒高

祖太宗功德具在何言無也龍池玄宗潛邸瑞應

破陣樂在龍池後意亦玄宗小破陣樂曲觀二曲

綴末則知此十八曲者開元帝所定無疑矣其先
之太和休和者事雅十二和其二和用之以祀其
及太子用之惟昭和及此二和用之天子或因而
襲其名爲曲未可知昭昭者古訓昭昭御虞人禮天
子教于田獵命七驍威駕射則歌以爲節宜用爲
鹵簿曲名而七德一曲即神功破陣樂武舞之名
太宗所用得天下歌之尤以昭功德也諸曲倫次
之目或未必如魏晉以來所傳者之整比然遵用
久矣一代典制故自無闕也子厚之曲雖表上未
聞施用蓋所謂雖善不尊不尊不信者而全謂有
司本無其曲爲之補撰非夫側疎於考據則亦其
急於自衛而姑爲之說爾安得以言出柳州道信
乎之

鑣吹部七曲 一破陣樂 二上車 三行車

四向城 五平安 六歡樂 七太平 律書樂圖
鑣軍樂六

典曰鑣鼓夾歌蕭笛樂
書又曰七曲各有亂

大橫吹部二十四曲 一悲風 二遊絃 三聞

絃明君 四吳明君 五古明君 六長樂聲

七五調聲 八烏夜啼 九望鄉 十跨鞍 十

一間君 十二瑟調 十三止息 十四天女怨

十五楚客 十六楚妃歎 十七霜鴻引 十

八楚歌 十九胡笳聲 二十辭漢 二十一對

月 二十二胡笳明君 二十三湘妃怨 二十

四沈湘 六典曰大橫吹有篳篥大橫吹有篳篥 陳氏樂書引唐樂圖所載二十

四曲名與此不同附註 樂圖云大橫吹二十四

曲內三曲馬上警嚴司之一曰權樂樹二曰空 通三曰賀六渾其餘二十 宋崔二曰達和若輪空三曰白淨王手四曰他賢

逸勤五曰鳴和騶純羽鹿六曰歎度熱七曰吐
利飽比倫八曰玄比敦九曰植普離十曰胡笛
笛十一曰鳴羅特罰十二曰比久汰大汗十三曰
於理真斤十四曰素和解律十五曰鳴纒真十六
曰烏鐵廿十七曰特介汗十八曰度賓哀十九曰
阿萊干樓達二十曰大賢真二十一曰破陣樂
小橫吹部曲與大橫吹同六典曰小橫吹夾笛簫
鼓儀衛志云有角其曲失傳郭茂
倩疑以為與大橫吹同故不見

大射樂章

大射皇帝射騶虞二奏王公射狸首一奏迎送皇
帝入閣奏大和凡四曲

鄉飲酒樂章

鄉飲酒鹿鳴三奏南陔一奏嘉魚四奏崇丘一奏

關雎五奏鵲巢三奏凡十七曲二禮曲唐用古詩名別變非即用古詩

候子之唱

大儺有候子之唱

開元禮所載辭與劉昭志漢辭同蓋沿其舊也

凱歌

大征伐有功奏凱入其歌曰破陣樂曰應聖期曰

賀聖歡曰君臣同慶樂凡四曲

樂志云前二曲太常舊有其辭後二

曲太和補造今檢劉禹錫集四曲寔並其所撰志雖盡採

論唐初樂曲散佚

初太宗命祖孝孫等定雅樂尋詔褚亮等分製樂

章高宗上元中復令太常少卿韋萬石與太史令
姚元辯增損當時郊廟燕會樂曲追則天稱制改
易典章歌辭多是內出開元中詔中書張說復行
釐正上自定聲度說爲之辭中間雜用貞觀舊辭
爲多太常卿韋縚嘗銓敘爲五卷付大樂鼓吹兩
署習之此一代樂章刊定始末也柰舊史不能考
遵前代史例於樂志中祇錄郊廟而無朝會讌射
等曲新志則并郊廟不錄其辭因日就亡佚舊史
書序云讌樂歌辭太常先有宮商角徵羽五調調
各一卷是貞觀中侍中楊仁恭妻趙方等輯近代

詞人雜詩爲之者韋縠亦嘗令太樂令孫玄成整
比爲七卷以辭多不經不錄今考會要殿庭元日
冬至朝會樂章七元日迎送皇帝奏太和開元中
源乾曜作羣官行奏舒和上公上壽奏休和皇帝
受酒登歌奏昭和顯慶中李義府作中官朝會樂
章四東宮朝會樂章五亦義府作此固雅樂曲也
何以亦不錄乎辭之近鄭衛者既盡爲之刪其稍
近雅者又復不亟存一二唐樂章之挂漏獨甚史
家固不能辭其責也

唐音癸籤卷十三

樂通二

唐各朝樂

太宗

神功破陣樂

初太宗為秦王破劉武周軍中相與作秦王破陣樂曲及

卽位宴會必奏之示不忘本因製舞同左圓右方

先偏後伍交錯屈伸以象魚龍鸞鶴用樂工百二

十八人披銀甲執戟而舞凡三變每變為四陣象

擊刺往來歆者和曰秦王破陣樂後令魏徵褚亮

虞世南李百藥等更製歌辭名七功成慶善樂

德舞永徽中更名為神功破陣樂

太宗生武功慶善宮貞觀六年辛之宴從臣賞賜

間里帝歡甚賦詩命呂才按律被之管絃名曰功

成慶善樂以童兒二十四人冠進德冠紫袴褶長

張漆髻履履而舞名九功之舞進德冠紫袴褶長

德治而天下安樂也初太宗時凡至正享禮及

國有大慶二舞備奏于麻高宗時用之郊廟代治

康凱安尋以神功破陣樂不入雅樂功成慶善
樂不可降神復用治康凱安舊舞而二舞罷

高宗上元舞其樂有上元二儀三才四時五行
雲等十四曲皆帝自製舞用百八十人衣畫雲五

色衣以象元氣大帝祠享皆用之後詔惟郊廟用餘
能一戎大定樂帝將伐高麗燕洛陽城門觀屯

一戎大定樂舞者百四十人被五采甲持槊而舞
歌者和之曰八絃同軌樂象高麗平而天下大定

也六合還淳舞臣太常嘗奏此舞其容制不傳
景雲河清讌樂初貞觀中景雲見河清水清張文

卽位製樂上之其樂二十五色每工一人歌二人
舞者二十人分四部一景雲舞八人二慶善舞四

人三破陣舞四人四承天舞四人名曰讌樂元會
第一奏之杜佑云進惟景雲舞存餘人按唐讌

樂有二十部伎之讌樂隋舊樂也此訛樂則武
唐之新樂後列坐部伎中玉海疑以爲一誤

武

后

聖壽樂

舞用百四十人製聖超千古道泰百

行列每變成一字

天授樂

天授年造

神宮大

樂

長壽二年正月享萬象神宮

長壽樂

亦長壽

十二人

鳥歌萬歲樂

時官中養鳥能人言又常稱

冠為鳥像

聖主回鑾舞

大足元年天后幸京師同州

中宗

桑條歌樂

永徽後人唱桑條韋也之歌神

條歌樂辭十餘首

玄宗

龍池樂

帝為平王時

以進皆被之樂府

之南坊人所居忽變為池望氣者異焉後正位以

坊為宮池水逾大

臣為龍池樂十章歌其

以祀龍神舞用七十二人

小破陣樂

生於太宗

舞四人

金甲胄

文成樂

帝作此與小

光聖樂

舞八人

五絲畫衣兼似上元聖 又分前代及本朝樂為

二部 立部伎八 安樂 太平樂 破陣樂

慶善樂 大定樂 上元樂 聖壽樂 光聖樂

坐部伎六 讌樂 長壽樂 天授樂 鳥歌

萬歲樂 龍池樂 小破陣樂 安樂舞亦名城舞用八十人作羌胡

狀行列方正象城郭太平樂亦名五方師子舞依方色為師子習弄用百四十人作崑崙象舞太平

樂曲並周隋遺音也餘樂唐本朝及帝所自製詳前立部伎堂下立奏坐部伎堂上坐奏太常閑樂

坐部伎無性識者退入立部伎 代宗 寶應長

寧樂 帝諱廣平王復二京梨園供奉 廣平太一

官劉日進作以獻十八曲官調

樂 大曆元年司馬滔作以進 德宗 定難樂 河東節度馬燧作以獻本紀貞

元三年上御文德殿試定難樂

繼天誕聖樂長天

曲其後方鎮多製樂以獻者

節昭義節度王虔休獻其曲以宮為調表五音之

奉君以上為德知五運之居中也凡二十五遍法

二十四氣而足成一歲每遍一十

六拍象八元八凱之登庸於朝

一日為中和節貞元十四年是節製中和樂舞舞

中成八卦其樂辭帝御撰會要云因繼天誕聖樂

而奉聖樂初韋臯節度劍南南詔異牟尋請獻

作獻用正律黃鍾之均宮徵一變角羽終變舞六成

序曲二十八疊舞南宇歌聖主無為化舞聖字歌雨

南詔朝天樂舞奉字歌海宇修文化舞聖字歌雨

寧覃無外舞樂字歌闕上丁零寒皆一章三疊而

成字舞卑又舞闕四門之舞遽舞人徧兩疊舞終

又舞億萬壽之舞歌天南演越俗四章歌舞七疊

六成

而終順聖樂為俗舞聲態雄俊又號孫武順聖

樂頤因韋臯獻奉聖樂作此進韋樂中有丈夫

一人獨舞頤樂曲將半行綴皆伏亦一人舞于中

月二十多日
時幕客韋綬觀之笑曰何用
窮兵獨舞彈詠諧亦有爲也

按唐樂惟十二和二舞爲雅樂自太宗以功德
之盛復造破陣慶善二樂舞於是後世相循競
製樂以侈觀聽舞佾制度各以意爲增減不合
古經而臣下亦復撰樂獻媚女倡夷舞同俳優
戲劇之觀則已漸流爲散樂而遠雅益甚矣諸
樂曲疊非一馬氏端臨用高氏緯畧之說誤以
一樂爲一曲總計爲五十有五曲當時韋萬石
請奏上元等舞有二十九雅者有五十二雅者
有五十雅者而韋皋奉聖一樂曲之多尤備載

正史固未可數計也今第總述樂名稍爲之疏

釋存大凡云

唐曲

一臺 急三臺

古今解三臺者不一馮鑑續事始

府以芭曉音律爲製此曲劉禹錫嘉話錄鄭中有曹公銅雀金虎冰片三臺北齊高洋毀之更築金鳳聖應崇光三臺官人拍手呼上臺送酒因各其曲爲三臺李氏資暇錄曰三臺三十一拍促曲名昔鄭中有三臺石李龍常爲宴遊之所而造此曲以促飲今按諸說李氏說似可據樂苑云唐三臺羽

調 調笑詞 轉應詞 宮中調笑詞 三曲與三

有此異名自樂天云調笑令乃拋打曲 官中三

也有詩云打嫌調笑易飲評卷波遲

臺 江南三臺 上皇三臺 怨陵三臺 突厥

三臺大曲

廣陵散

本隋叔夜琴操名後人以爲曲

采桑

晉清商西曲羽

調唐有

楊下采桑

出子

烏夜啼

杜佑云本宋臨川王義慶

謝大善歌

此明皇傳觀御聖儀和之

教坊

舞媚娘

大舞媚娘

舞亦作武並羽調曲永徽後民間多歌此曲宋以爲太后之謔今按隋李

主並有舞媚娘

辭則曲名本不作武字意後宋藏家爲奴學獻諱

改作武媚娘耳

長相思

古曲梁張率始以長相思三字爲句發端陳後

主及徐陵江總章襲其諱益

采蓮子

梁清商曲

采蓮曲唐曲本此曲

采蓮女

梁簡文咏采蓮女爲人所挑大抵

和聲曰奉梓年少

玉樹後庭花

陳後主作唐有大曲後庭

與陌上桑同唐

後庭

花

花曲

阿鞞迴

本北魏阿那瓌封阿那瓌者雲端國主名用爲詞後詠爲阿鞞迴

沿之為名那乃可切彈與可切璫即魏始同切以

音相近故訛顏真卿詩莫唱阿鄆迴應云夜半樂

是也楊用修以為即笛曲之阿蘭陵王北齊蘭

監唯此自明皇時曲失之遠矣

恭以假面威敵後人因伴侶北齊後主作音韻

以入歌唐有此曲名

有大

太平樂即五方師子樂聖明樂大聖

弓樂初隋開皇中高昌獻此樂曲文帝令知音者

樂竊聽番使至先奏之大驚後唐開元中太常

此工馬順兒復造行天貞觀中侯尚書姜方等

能歌此自謂不及考隋樂志太

廟送神五言象行天知為舊曲矣七夕子帝有

七夕相逢樂唐曲安公子隋楊帝幸楊州樂工

七夕子疑本此

翻安公子曲流涕曰此曲宮聲往不返宮為君爾

不須扈從大駕必不回矣已而果然唐有安公子

大

河傳水調歌新水調

勝說水調河傳隋

曲

卷十三

五

製曲成奏之聲韻怨切王令言聞而知其不返海

錄碎事云隋楊帝開汴河自造水調按水調及新

水調並商調曲也唐曲凡十一疊前五疊為歌後

六疊為人破其歌第五疊五言調聲最為怨切故

白居易詩云五言一逼最慙慙調少情多似有因

不會當時翻曲意此聲腸斷為何人明皇幸蜀

有聽歌水調山川滿目淚沾衣之辭泛龍舟隋

問知為李嶠作感歎事見本事詩帝為西苑鑿

帝作唐有泛望江南海山記隋煬帝為西苑鑿

龍舟大曲池北龍鳳舸製望江南八

閱後唐李德裕用其句稍改摩多樓子鄭茂倩

為謝秋娘劉白亦有作詳後堂堂隋樂

有古詞似北朝及隋時邊塞曲難定堂堂府有

為何代唐李白有其詞亦見李賀集堂堂府有

堂堂曲明唐再受命也調露初民聞有側堂堂撓

堂堂之謠側不正撓不安故武后賤宗室易唐為

周而季和復反正為唐樂

苑曰唐堂曲角調也

右前三十七曲並周隋以前之曲在唐猶盛行

者史稱唐時清商舊曲存者止四十四曲今自
鳥夜啼采桑玉樹後庭花堂堂泛龍舟五曲在
存目重複之內餘三十二曲則史所未載也豈
古曲行用于唐尚多史或未盡收乎用首錄之
以存樂曲之舊

太和

樂府載有七言五疊郭茂倩以爲羽調曲蓋卽十二和中之太和以爲行節者是也

破陣樂

破陣子唐人樂曲多名子後遂各曲于教坊俗譚然

小秦

王

卽小破陣樂也

上元子

大定樂

奉聖樂

十二

時

萬宇清

月重輪

以上樂曲出前雅樂及各朝樂中而十二時以

下三曲亦含元殿熊羆部十二按所奏雅樂也

故別著之合凡十曲云

傾盃曲 樂社樂曲 英雄樂曲 太宗內宴詔長孫無忌製傾盃

曲魏徵製樂社樂曲並官調 黃驄疊曲 太宗破廣

南製英雄樂曲並官調 黃驄疊曲 太宗破廣

名黃驄疊曲四曲官調 黃驄疊曲 太宗破廣

打毬樂 魏徵 大酺樂 文收造 火鳳 真

火鳳 並羽調始 穆護子 即穆護砂也 獨角姚寬

轉貞觀初有傳法穆護何錄以其教入長安作歌

配秋祠其賓神曲也崇文書目有李燕牧護詞傳

壁錄有蘇溪和尚穆護歌並六言又黃山谷云點

中聞賽祠者夜歌五七 道調曲 高宗自以李氏為老

末云奠酒燒錢 道調曲 子之後命樂工製

歸去長短不同 道調曲 子之後命樂工製

祈僊曲

望僊曲

翹僊曲

高宗敬禮嵩山道士潘師正造此諸曲

春鶯轉

帝曉音律晨坐聞鶯聲命樂工白明達寫為此曲

夷來賓曲

遼東平李勣作之以獻

寶慶曲

章懷太子作李嗣貞聞之謂人曰官不召商君臣垂

也角與徵戾父子疑也死聲多且哀若國家無事太子任其咎俄而太子廢

越古長

年曲

則天延載元年作

如意娘曲

商調蓋閨辭也宋張君房以為如意年中

后為淫毒男子作說近但取

挈苾兒

垂拱後京都唱此歌皆淫靡後張易之兄弟並

內侍易之小字挈苾云

突厥鹽

龍興來里歌有此後則天遣闕知微入突厥突厥挾

之人寇為突厥鹽之應

黃麝

如意年已來唱黃麝歌無幾曹仁師等與契丹戰覆師于

磧石黃

離別難

武后朝有一士人陷冤獄籍其家妻配入掖庭善吹簫築撰此

曲以寄哀情初名大郎神蓋取良人第行也

石

畏人知三易其名曰悲切子終號怨回鵲

卷十三

州中宗景龍初知太史事迦葉志忠表稱受命

之初天下先歌英王石州石州商調曲也

桃花行景龍四年春宴桃花園羣臣畢從學士李

婉歌仍妙絕獻詩者舞暗稱萬歲上勅回波詞

太常簡二十篇入樂府號曰桃花行

商調曲蓋出於曲水引流泛觴後為舞曲中宗朝

內宴羣臣多撰此詞應伎及自製樂值最盛行然

考朝野僉載楊廷玉一詞則天時已令生歌中

先有之矣教坊記又有大曲國波詞

宴內殿胡人獲子何懿等唱此歌或言妃主情貌

或列王公名實詞至機蝶武平一諫安禁止不納

夜半樂曲還京樂曲舉兵夜半誅韋后製此

君臣相遇樂曲商調太常卿韋瓘作千秋子千秋

大曲玄宗八月五日生日開元十七年是日賜

宴花萼樓下百僚奏請為千秋節

公以下獻鏡及承露漿天下一舞馬傾盃曲玄

成合燕樂著為令曲名以此

宮命教舞馬四百蹄各為左右分部目承以文緯

絡以金珠每千秋節舞于勤政樓下賜燕設醕其

曲謂之傾盃樂凡數十疊馬間聲奮首鼓尾縱橫

應節又施三層板牀乘馬而上扑轉如飛或命壯

士舉楊馬舞其踏歌繚踏歌並元夕歌名玄

上歲以為常踏歌蘇摩遮說撰進詳後舞曲下感皇

元夕御前蘇摩遮說撰進詳後舞曲下感皇

踏歌詞蘇摩遮說撰進詳後舞曲下感皇

恩南部新書天寶十三載始改于為洛大酺命

金風調蘇莫遮為感皇恩于為洛大酺命

三百里內守令率聲樂赴闕下較勝負魯山令元

德秀遣樂工數十人聯袂歌予為其所自為曲也

帝歎以為得寶子得韞子胡韞子國史補

仁人之言得寶子得韞子胡韞子國史補

得太真謂宮人曰朕得貴妃如得至寶乃製曲子

曰得寶子自是六宮無復進幸者樂府雜錄云曲

一名胡韞子雜錄碎事云得至寶康老子府

又名得韞子韞方孔反得至寶康老子府

雜錄云長安富家子名康老子落魄不事生計常

與國樂游處家蕩盡偶得一舊錦褥波斯胡識是

永春所織翻之千萬還與國樂追歡不經年復盡
尋卒樂人嗟惜之遂製此曲名得至寶亦名康老
子得體歌得寶歌先是民間多唱得體歌有

也之句及陝州得寶符又歌弘農得寶後天寶初轉
運使韋堅穿廣運潭通吳楚諸郡貨陝縣尉崔成

甫乃翻之為歌其辭用得體其曲名用得寶子船
頭唱之玄宗臨觀大悅下詔褒賞得傍从水丁絕

反體从人从本都董反事見正史按得寶子得
韓子胡韓子得至寶康老子與得寶歌其源似皆

起於得體歌正史可據國史補樂荔枝香玄宗
府雜錄所解俚鄙姑存之備考

山楊貴妃生日命小部張樂長生殿因奏新清
曲未有名會南方進荔枝因名曰荔枝香

平調帝與貴妃幸興慶宮沉香亭會木芍藥初開
梨園弟子奏樂上曰賞名花對妃子焉用舊

曲旨李白進清平調三章令李龜年等約畧調撫
絲竹上自吹玉倚曲清平調為三調中之清調

平調古房官中行樂詞亦命李一斛珠初梅
中遺聲也白撰

承寵愛後為太真所奪遷上陽宮妃怨慕帝亦每念之一日有夷使貢珠命封一斛賜之妃不受

詩上覽之悵然令樂府以春光好明皇製互新聲度其詩號一斛珠曲

金華 洞真 流芳非 會要天寶十三載改諸樂名有此諸曲立石刊太常

寺 王昭君 五更轉 萬歲長生 飲酒 鬪

百草 思歸樂 商調亦犯角 會要太常樂園別教院法曲有此六曲 赤

白桃李花 望瀛府 獻仙音 聽龍吟 碧天

鴈 獻天花 按明皇嘗製法曲四十餘以上六曲見陳氏樂書法曲本隋樂其音清而

近雅煬帝厭其聲澹曲終復加解音明皇辭愛之選子弟教之梨園當時稱梨園法曲也 婆

羅門 府節度楊敬述進 霓裳羽衣曲 樂苑玄宗製霓

羽衣曲十二遍凡曲終必遽唯霓裳羽衣曲將畢引聲益緩 逸史帝與術士羅公遠遊月宮見

卷十三 九

仙女數百皆素練霓裳羽衣舞問其曲曰霓裳羽

衣帝默記其音而還故作是曲鄭嵎津陽門詩

注帝凡宮闈仙樂但記其半於笛中寫之會西涼

進婆羅門曲與其聲調相符遂以月中所聞為之

散序用敬述所進曲作望月婆羅門拂霓裳

為腔名霓裳羽衣曲云望月婆羅門拂霓裳

之曲見涼州官調大曲有大遍小遍西涼府都

教坊記涼州官郭知運撰進初涼州進新曲

明皇命諸王於便殿觀之曲終諸王皆從萬歲獨

寧王不賀明皇詢其故寧王曰夫曲者始于宮散

于商成于角徵羽臣見此曲官離而少徵商亂而

加暴官者君也商者臣也官不勝則君體卑商有

餘則臣事僭臣恐異日臣下有悖亂之事陛下

下有播越之禍兆于斯曲矣其先見如此伊

州開元中西涼節度蓋嘉運進甘州子甘州

大曲調胡渭州一屬鹽州在兩渭州一屬關內

近地故以胡渭州別之開元中樂工李龜年鶴年

兄弟尤妙製渭州五行志云天寶樂曲多以邊

地為名其曲遍繁聲名入破安史亂西幸後其地盡為吐蕃所沒破乃其兆也 洪容齋曰今繁府所傳大曲皆出于唐而以州名者五伊涼熙石渭也涼州今轉為梁州唐人已多誤用 按唐地理志涼州屬隴右道盡古雍 陸州 又有大遍小遍梁二州之境用之非誤 按唐邊地無陸州嶺南雖有其州名與此不合惟寧朔境所置降胡州魯麗合塞依契時稱為六胡州陸字或六之誤也宋人警曲用 玄真道曲六州大遍疑即此俟博識者審之

大羅天曲 紫清上聖道曲 景雲曲 九真

曲 紫極曲 小長壽曲 承天樂曲 順天樂

曲 玄宗末年寢好神仙之事詔道士司馬承禎製玄真道曲茅山道士李會元製大羅天曲工部

侍郎賀知章製紫清上聖道曲太清 凌波曲 太

宮成太常韋縚又製景雲等六樂曲 廣記玄宗東都晝寢夢凌波池中龍女拜牀下帝為鼓胡琴恰新舊之聲為凌波曲龍女再拜而去

及覺命禁樂習而翻之奏池上龍女復見因置廟

歲記之

按此似附會與慶祀龍池之事者說未

可據姑

謫仙怨

玄宗幸蜀行次駱谷謂高力士

存簡考

長笛吹

一曲清然流涕後有司錄成譜以進且請

曲名上

曰吾因思九齡可名此曲為謫仙怨其音

怨切諸曲

莫比人自西川傳得者

無由知其

本事但呼為劍南神曲

斜谷棧道

燭霽雨鍾旬間鈴聲與山相應悼念貴

妃因採其

聲為雨霖鈴曲以寄悵時獨梨園善感

築樂工張

徽從至蜀都以其曲授之洎至德中復

幸華清宮

從官嬪御皆非昔人帝於望京樓令徽

奏此曲不

覺悽惻流

涕後入法

部有大曲

渭城

陽關

使安西詩

後

被于歌所

云更與懸懃唱渭

城與聽唱

陽關第四聲是也

受夫憐第

二句倩君重唱夕陽開王維秦川一

夕陽開是

也又有簇拍想夫憐

于頓以樂

曲有想夫憐其名不雅將改之客曰南

相府曾有瑞蓮故歌為相府蓮後人語譌耳樂

府解題遂用其說按此亦客之曲逢頤指妄

為之說耳假果名相府蓮豈不尤為不雅乎

鵲鵲韻語陽秋李白有聽此曲詩清風動聽竹

越鳥起相呼蓋其曲效鵲鵲之聲為之

九曲詞營州歌並高適作歌塞上事九曲取黃

曲歌七言二句者大指自歎

午歲晚幕非適詞所本也

河滿子河一作何

開元中滄州何滿犯罪繫獄撰此曲進四辭八疊

其聲哀斷鞠獄者為奏明皇不許竟坐刑元微之

何滿子歌云何滿能歌能宛轉天寶年中世稱罕

嬰刑繫在囹圄問下調哀音歌憤懣梨園弟子奏

玄宗一唱承恩羈網緩便將何滿為

曲名御譜親題樂府纂與白說稍殊

長命女羽

曲亦名長命西河女大曆中有樂工加減其節奏

為新聲將軍韋青令家姬張紅紅暗記其拍紅紅

後入宜春院官中號記

漁父引志和作

曲娘子聞青死慟絕

乃曲應聲元次山有歎乃曲

永新婦御史

卷十三

娘

柳青娘

桂花叢集云國樂有永新婦御史娘

元中宏春院內人許和子御史娘乃貞元時官中

御史娘子田順皆以善歌聞詳見樂府雜錄柳青

娘者豈亦歌妓之名

章臺柳

韓翃從辟滄青姬

後遂沿為曲名歟

覆兩京數歲翃遣使間行求之以練囊盛金題此

詞為寄柳亦和其詞酬柳後陷身番將沙吒利翃

入朝復取

成德樂

大曆中王

樂世

急樂世

得完聚

六么

樂世羽調曲

初唐人賀朝詩有上客無

初貞元中樂工進曲德宗命錄出要者因名為錄

要唐書所謂錄要祿曲是也後語為緣腰又作

大么白樂天聽六么詩云管急絲繁拍漸稀六么

宛轉曲終頭誠知樂世聲聲樂老病人聽亦免愁

觀此知樂世亦

團雪散雪出

平與義陽王反目

蘇要中一曲也

帝兩幽之不令相見舉子蔡南史獨孤中叔為義

陽子歌詞有二曲言其離處之狀上聞而惡之欲

罷科舉後流

南史而止

拜新月

吉中孚妻張氏有詞

皇帝感

敘坊

此曲名盧綸集

天長地久詞

亦見盧綸集其和聲云天長久萬年

萬歲樂曲

憲宗朝汴州劉弘撰聖朝萬歲樂譜三百首進

金縷衣

李銷常

楊柳枝

即古之折楊柳段安節以為始唱此詞

白詩云六么水調家家唱白雪梅花處處吹古歌

禁中為

桂華曲

居易感蘇州東城古桂作音韻怨切聽輒動人

浪淘

沙錫並有作

三波

居易云飲酒曲也

掃市舞楊

卿善歌此詞白樂天有句日重聞掃市歌之

可贏得檢灰兼弄火

羅噴曲

一名望夫歌羅噴古樓名陳後主

所建元稹廉問酒東有妓女劉采春自淮甸而來能唱此曲閨婦行人聞者莫不憐泣

枝子

竹枝本出巴渝其音協黃鍾羽末如吳聲有和聲七字為句破四字和云竹枝破三字又

和云女兒後元和中和劉禹錫謫其地為新詞更盛行焉

三閣詞

劉禹錫作詠陳後主

起臨春結綺望仙三閣置三妃嬪事吳聲曲

杜韋娘

名劉禹錫詩春教坊記有其曲

風一曲杜韋娘言妓人歌杜韋娘曲非指妓人名也

拋毬樂

為令其所唱酒筵中拋毬

之詞也馬錫亦有作

紇那曲

亦見禹錫集按紇那樂府不著所出今考天寶中崔成甫

所翻得體歌有得體紇那也紇那體歌之句豈其所本歟

文敘子

俗講僧

文敘善吟經其聲宛暢感動里人樂工黃米飯狀其念四聲觀世音菩薩乃撰此曲

思帝

鄉令狐楚有坐中聞鄉思帝鄉有感詩

花筵曲

李賀集寒食日諸王妓遊賀賦此曲

與妓彈唱按賀本傳樂府數十篇雲韶諸王皆合之絃管是知賀曲辭入樂為多情不能明姑錄此

其餘

刮骨鹽

權德輿詩含羞斂態勸君生更秦新聲刮骨鹽按鹽曲自六朝人

有昔昔鹽後曲稱鹽者
不一詳後西戎樂注

仙韶法曲 上雲 自

然 真仙 明 難思 平珠 無爲 有道

調元 立政 獻壽 高明 聞天 儀鳳

同和 閑雅 多稼 金鏡 文宗好雅樂鄧鄭衛之音嘗采開元雅樂

製雲韶樂章上雲等二十曲及霓裳羽衣舞曲後

臣曰笙磬同音沈吟忘味不圖爲樂 憶秦郎

一至于斯自是臣下功高者報賜之

憶秦娥 一名秦樓月一名雙荷葉 文宗宮人阿

新羅翹思念撰小詞名憶秦郎誠亦於是夜夢傳

其曲拍歸日令之無異後有憶秦娥或卽出此

莊徽委談云詩餘中憶秦娥菩薩蠻稱最古以詞

出太白也余謂太白在當時直以風雅自任卽近

體盛行七言律鄙不肯爲寧屑事此且二詞雖工

麗而氣衰頹於太白超然之致不啻穹壤殆晚唐

卷十三

唐書李德裕

人詞嫁名于白

耳菩薩蠻見後

萬斯年曲

會昌初宰相李德裕製獻即天仙子調也

謝秋娘

夢江南

憶江南

江南好

李德裕鎮浙日

悼亡妓謝秋娘用隋楊所作望江南調撰謝秋娘

曲後仍從本爭亦曰夢江南白樂天作此詞改爲

憶江南後人又因樂天首句以江南好名

之劉禹錫亦有作凡曲名遍改換多如此

好會昌中段成式與鄭符張希復

播皇猷曲

蕙嶺西曲

新霓裳羽衣曲

泰邊陲曲

宣宗妙

殿賜燕多自我新曲伴禁中女伶遞相教授有日

播皇猷者率高冠方履褒衣博帶趨走傳習皆令

規矩于然有唐虞之風焉有日蕙西士女辭歌

學者率言蕙嶺之士樂河湟故地歸國復爲唐民

也霓裳曲者皆執節播彼羽服態度凝澹飄飄然

有翾雲舞鶴見左右如是數十曲流傳民間泰邊

流年號適紀咸通人以其爲識云

菩薩蠻

雜編云太中初女蠻國入貢其人危髻金冠璽珞
被體人謂之菩薩蠻當時俱優遂製菩薩蠻曲文
士亦往往聲其詞溫庭筠傳亦有宣宗愛唱菩薩
蠻之說知此詞出于唐之晚季今李太白集有其
詞後人妄托也按杜陽謂唱優見菩薩蠻製曲
其說亦未盡當是用其樂詞分止耳考南蠻驃國
嘗貢其國樂其樂人冠劍其國亦在女王蠻西南
珥雙簪散以爲女蠻且其曲多佛前具在後簡夷
故當時或以爲女蠻且其曲多佛前具在後簡夷
樂部則其稱爲菩薩蠻尤可信此曲名有稱女王
國穿心蠻八拍蠻者皆出蠻中曲調以意求
之可得此詞後一名重疊金一名子夜歌新

添聲楊柳枝溫庭筠作時飲筵競歌獨女 感恩

多李羣玉詩惟有管絃知 道調子懿宗解音律

吹感策初弄道調上謂是曲誤拍之 歎百年曲

樂工乃依其節奏撰曲名爲道調子 別趙十

伶人李可及造此曲餘詳舞曲內 十四

憶趙十

李可及能歌別趙十憶趙十可及轉喉為新聲須史變態百數京師效之呼為拍彈

昇平樂

薛能集

金鎖曲

僖宗朝內製袍千領賜塞外吏士神策將

軍馬直於袍中絮得金鎖一枝詩一首為人所告奏聞帝令直赴闕以官人賜為妻有情者為金鎖

於世讚成功曲

昭宗劉季述之變監州雄毅軍使孫德昭有反正功光化四年

正月宴保寧殿上

永遇樂

杜秘書工小詞鄰女酥香能韻才人歌曲

自製此曲以褒之流河朔述此別女附百年

五代史晉王克用破孟方立還置酒三垂崗伶歌人奏百年歌至于哀老之聲辭甚悲坐上皆

其能代我戰於此乎後存鼎景于三垂崗破梁軍

如夢令

唐莊宗修內苑握得斷碑有詞云

記別伊時和淚出門相送如夢如夢殘月落花烟重名宴桃源莊宗使樂工入律歌之又使翰林作

數篇後人改爲如夢令按此宗知音能度曲自爲優名曰李天下至今吟習之俗往往能歌其聲
通謂之
檀來歌周世宗伐南唐軍中製
念家山
念家

山破
邀醉舞破
恨來遲破南唐後主翻舊曲爲念家山破其音

焦殺名尤不祥誠者以爲亡敵后周氏尤
善音復作邀醉舞恨來遲新破音行于時
嵇康

江南曲後主所製國臣後有薛
九能歌之見王銍詩見小名錄
薛莊詞蜀後主衍宮中

裏小巾其尖如錐宮妓多衣道服簪
蓮花冠施胭脂夾臉號醉妝作此詞
銀漢曲衍舟

巡閨中自製水調銀漢曲命工歌之又嘗自
製甘州詞令宮人歌之其詞哀怨聞者悽愴
還

鄉歌
吳越錢鏐游
道家步虛詞唐以前多五言其破爲長短句

自李德裕
始并附

以士大小曲一百七十九曲有年代題義可攷

畧著其說如左

被袂曲

歎疆場

調宮

濮陽女

調羽

回紇

調商

柘

枝引

調羽

柘枝大曲

團亂旋

三曲互見舞曲內

戎渾

塞姑

鎮西樂

鎮西子

蓋羅縫

蓋作合

雙

帶子

崑崙子

金殿樂

牆頭花

戰勝樂

劍南臣

征步郎

水鼓子

鼓一作沾

浣沙女

醉

公子

一片子

南歌子

八拍蠻

達摩支

鳳歸雲

以上曲名見樂府詩集

和風柳

美唐風

透碧

空

巫山女

度春江

眾仙樂

龍飛樂

長

慶樂

慶雲樂

繞殿樂

泛舟樂

放鷹樂

放鶻樂 天下樂 大明樂 同心樂 黃鍾樂

賀聖朝 泛玉池 迎春花 鳳樓春 負陽

春 帝臺春 繞池春 滿園春 柳含烟 替

楊柳 倒垂柳 浣溪沙 撒金沙 紗幮恨

金篆嶺 隔簾聽 恨無媒 望梅花 好郎君

紅羅襖 摘得新 北門西 煮羊頭 河瀆

神 二郎神 醉鄉遊 醉花間 燈下見 醉

思鄉 太白星 剪春羅 會嘉賓 當庭月

歸國遙 戀皇恩 憶先皇 聖無憂 戀情歡

戀情深 戀舊月 定風波 木蘭花 更漏

長 破南蠻 芳草洞 守陵宮 臨江仙 虞

美人 映山紅 獻忠心 卧沙堆 怨黃沙

還方怨 怨胡天 送征衣 送行人 望梅愁

阮郎迷 牧羊怨 羅裙帶 同心結 一捻

鹽 阿也黃 劫家雞 綠頭鴨 下水船 留

客住 喜長新 羌心怨 女王國 天外間

賀皇化 五雲仙 滿堂花 南天竺 定西番

西國朝天 荷葉杯 感庭秋 月遮樓 西

江月 上 杯 喜春鶯 大獻壽 鵲踏枝

萬年歡 山玉管 謁金門 巫山一段雲 西

河獅子 西河劍氣 儒士謁金門 武士朝金

闕 搽工不下 麥秀兩岐 撫言載朱梁封舜卿使蜀好唱麥秀兩岐

事亦不言何調 金雀兒 澹水吟 玉搔頭 鸚鵡杯

路逢花 初漏滿 相見歡 遊春苑 訴衷

情 折紅蓮 洞仙歌 喜宮鑾 喜秋天 靜

戎烟 普恩光 蘇合香 七聖管 朝天 天竺伎有

引天舞曲不知即此否 看月宮 宮人怨 駐征遊 泛

濤溪 胡相問 帝歸京 喜還京 遊春夢

畱諸錯 黃羊兒 花黃發 望遠行 思友人

唐四姐 上韻 中韻 下韻 木簋 八拍

子 漁歌子 十拍子 惜大子 風流子 吳

吟子 生查子 胡醉子 山花子 水仙子

綠鈿子 金錢子 赤棗子 心事子 胡蝶子

沙磧子 酒泉子 迷神子 得蓬子 劉確

子 麻婆子 紅娘子 歷刺子 北庭子 劍

器子 獅子 女冠子 仙鶴子 贊普子 蕃

將子 回戈子 帶竿子 棋魚子 南鄉子

大呂子 南浦子 撥棹子 曹大子 引角子

隊踏子 化生子 金娥子 捨麥子 多利

子 毘砂子 西溪子 劍閣子 嵇琴子 莫

壁子 胡攢子 唧唧子 翫花子 大踏金蓮

薄媚 賀聖樂 胡僧破 平翻 相馳逼

大寶 呂太后 一斗鹽 羊頭神 大姊 舞

大姊 急月記 斷弓絃 碧霄吟 穿心蠻

羅步底 千春樂 龜茲樂 醉舞脫 映山雞

四會子 吳破 舞春風 迎春風 看江波

寒鴈子 又中春 翫中秋 迎仙客 同心

結 以上曲名見教坊記 雙吹管 東飛鳧 花成子 月

成弦 孤獨怨 金吾子 六曲見甫里集 玉樓春 蕃

女怨 玉蝴蝶 更漏子 四曲見溫庭筠詞更漏子疑即前更漏長

應天長

江城子

一名江神子

喜遷鶯

小重山

四曲

見韋

薄命女

一名長命女

採桑子

一名羅敷令一名羅敷女見令二

莊詞

曲名見

搗練子

阮郎歸

一名醉桃源一名碧桃春

賣花

聲亦名浪淘沙

蝶戀花

四曲見李後主詞

歸國謠

薄

命妾

點絳脣

思越人

金錯刀

一名醉

芳

草渡

壽山曲

七曲見馮延巳陽春集又蜀檣柁云蜀主衍嘗執板自唱思越人詞

滿宮花

見張

醉花間

中興樂

月宮春

接賢賓

四曲見毛

望江怨

見牛

三字令

賀

明朝

二曲見歐陽炯詞

杏園芳

見尹

南柯子

一名風蝶令一

名望秦川見

擷芳詞

古今詞話以為唐曲

後庭怨

宋建隆中

掘得石刻有此詞花
草粹編以爲唐曲

右二百九十七曲題義無攷其錄自樂府詩集
者多譜初盛唐人絕句詩爲曲錄自教坊記者
律絕詩及填詞爲曲者互有之錄自溫韋以下
集者竝止是填詞先後無曲年代似約畧可推
然亦不敢妄爲定云